



## Ислом Нури

Вадиъа (омонат) қўйиш – табарруъан (ихтиёрий) сақлашга топширишдир.

Шаръий истилоҳда вадиъа деб ҳақсиз-тўловсиз сақлаб берадиган одамга топширилган молга айтилади.

Омонат қўйилиш яроқли бўлиши учун вакил қилинишда эътиборли бўлган шартлар –  
балоғатга етган бўлиш, оқиллик, эс-хуши жойида бўлиш шарт қилинади. Чунки,  
омонат қўйиш – сақлаб бериш учун вакил қилишдир.

Ўзини ишончли ва асраб-авайлашга қодир деб билган киши учун омонатни қабул қилиш мустаҳабдир. Чунки, бу ишда кўп ажр-савоблар бор. Расулуллоҳ соллаллоҳу алайҳи ва саллам айтганлариdek: «Модомики, банда биродарига ёрдам бериб туаркан, Аллоҳ таоло унга ёрдам бериб турди» (Муслим (2699) Абу Хурайра розияллоҳу анҳудан ривоят қилган). Қолаверса, одамларнинг ҳам бунга ҳожатлари бордир. Аммо, ким ўзида омонатни асрашга қудрат бор деб билмаса, уни қабул қилиши макруҳдир.

Омонатга доир хукмлардан бири шуки, агар омонат омонатга қўйилган кишининг қўлида унинг айбисиз, масалан, унинг моллари орасида талафотга учраса, унга



## Ислом Нури

зомин бўлмайди. Чунки, у омонатдир, омонатдор киши агар тажовуз қилмаган бўлса,

зомин бўлмайди. Заифроқ бир ҳадис борки, Пайғамбар соллаллоҳу алайҳи ва саллам:

«Кимга омонат қўйилган бўлса, унга зоминлик йўқ», деганлар (Ибн Можа (2401)

Абдуллоҳ ибн Амр розияллоҳу анҳумодан ривоят қилган). Доракутний ривоятида:

«Хиёнат қилмайдиган ориятга олган киши зиммасида зоминлик йўқ, хиёнат

қилмайдиган омонатга қўйилган киши зиммасида зоминлик йўқ»  
(Доракутний (3/14,

№168) ривояти). Бир ривоятда: «Омонат қўйилган киши зиммасида зоминлик йўқ»

(Доракутний (3/14, №168), Байҳақий (6/289) ривояти). Чунки, омонат қўйилган одам

уни табарруъан (ихтиёрий, ҳеч қандай ҳақсиз-муқобилсиз) сақлаб беради. Агар унга

зомин бўладиган бўлса, одамлар омонатни қабул қилишга кўнмай қўядилар ва бунинг

ортидан одамларга зарар етади.

Аммо, омонатга тажовуз қилган ёки уни сақлашда бепарволик қилган одам агар

унга талафот етса, зомин бўлади. Чунки, у бирорвонинг молига талафот етказган

бўлади.

Омонатга доир хукмлардан яна бири шуки, омонат қўйилган одам уни худди



## Ислом Нури

ўзининг молини асрагандек асраши лозим бўлади. Чунки, Аллоҳ таоло омонатни адо

**қилишга буюради: «Албатта, Аллоҳ сизларни омонатларни ўз эгаларига топширишга**

**... буюради»** (Нисо: 58). Омонатларни топшириш эса уларни асраб-авайлаш билан

бўлади. Омонат қўйилган одам уни қабул қилаётганида уни саклашни ўз зиммасига

олган бўлади, энди зиммасига олган ишни бажариши лозим.

Агар омонатга қўйилган нарса жонивор бўлса, омонат қўйилган киши уни боқиб

туриши лозим. Агар эгасининг амрисиз уни озуқасиз қўйиб, зиён етказса, унга

зомин бўлади. Чунки, ҳайвонни боқишга буюрилган. Унга зомин бўлишидан ташқари,

овқатсиз ва сувсиз ташлаб қўйиб, ўлимига сабаб бўлгани учун гуноҳкор ҳам бўлади.

Чунки, Аллоҳ ҳаққи учун унга ем-сувини бериб турини лозим эди, унинг хурмати бор эди.

Омонат қўйилган одам омонатни одатда ўзининг молини саклаб берадиган кишига,

масалан, аёлига, қулига, хизматчисига, ғазначисига бериши мумкин.

Агар омонатга

улардан биронтасининг қўлида унинг айбисиз ва тажовузисиз талафот етса, унга

зомин бўлмайди. Чунки, омонатга унинг ўзи ёки унинг бирон ўринбосари қараб



## Ислом Нури

туриши жоиздир. Шунингдек, уни одатда ўша омонат эгасининг молини сакловчи кишининг қўлига топширса, ундан хориж бўлади.

Аммо, агар уни ўзига ҳам, мол эгасига ҳам бегона бўлган кишининг қўлига берса ва унга талафот етса, омонат қўйилган киши зомин бўлади. Чунки, у уни узрсиз бошқа бирорга омонат қўйиши мумкин эмас эди. Агар мажбурлик юзасидан уни бир бегона қўлига топширган бўлса, яъни, масалан, ўлим ҳозир бўлгани ё сафарга чиқмоқчи бўлиб, уни ўзи билан бирга олишдан хавф қилгани учун берган бўлса, зарари йўқ ва агар талафот етса зомин бўлмайди.

Агар хавф юзага келса ёки омонат қўйилган киши сафарга чиқадиган бўлиб қолса, омонатни эгасига ё унинг вакилига топшириши лозим бўлади. Агар эгасини ҳам, унинг вакилини ҳам тополмаса, имкони бўлса, уни ўзи билан бирга сафарга олиб кетади. Агар сафарда олиб юриши хавфли бўлса, ҳокимга топширади. Чунки, ҳоким молнинг эгаси йўқ бўлган ҳолда унинг ўрнига ўринбосар бўлади. Агар ҳокимга бериш имкони бўлмаса, уни бирон ишончли киши қўлида қолдиради. Чунки, Набий соллаллоҳу алайҳи ва саллам ҳижратга кетишлари олдидан ўзларида бўлган омонатларни Умму



## Ислом Нури

Айман розияллоҳу анҳога омонат топширганлар ва Алий розияллоҳу анҳуга уларни ўз эгаларига топширишни буюрганлар (Байҳақий (6/289) Оиша розияллоҳу анҳодан ривояти). Шунингдек, ўлими ҳозир бўлган одам ҳам агар олдида бирорларнинг омонатлари бўлса, уларни эгаларига топшириши, агар бунинг имкони бўлмаса, ҳокимга ёки бирон ишончли кишига омонат қолдириши лозим бўлади.

Омонатга тажовуз қилиш туфайли унга талафот етса, унга зомин бўлади. Яъни, масалан, (от, туя каби) бирон ҳайвонни омонат қўйилган бўлса, боқиш ё суғоришдан бошқа мақсад учун минса ёки бирон кийимни омонат қўйилган бўлса ва уни куя тушиш хавфи бўлмаган ҳолда кийса, ёки оғзи маҳкамланган ҳамёнда пул омонат қўйилган бўлса, унинг оғзини ечиб юборса, мана шу ҳолатларда агар омонатга талафот этса, унга зомин бўлади.

Омонатдор киши амин-ишончлидир, унинг омонатни ўз эгасига ёки унинг вакилига топширгани ҳақидаги даъвоси қабул қилинади. Шунингдек, унинг омонат унинг беларволигисиз талафотга учрагани ҳақидаги даъвоси қасами билан қабул қилинади.

Чунки, у омонатдордир. Аллоҳ таоло вадиъани омонат деб номлади:  
**«Албатта,**



## **Аллоҳ сизларни омонатларни ўз эгаларига топширишга буюради» (Нисо: 58).**

Аслида, агар унинг ёлғонлаётганига қарина-белги бўлмаса, у пок саналади.

Шунингдек, агар бирон ҳодиса туфайли, яъни масалан, ёнғин сабабли омонатга талафот етганини даъво қиласа, ўша ҳодисанинг ҳақиқатда бўлганига далил келтирсагина унинг даъвоси қабул қилинади.

Агар омонатнинг эгаси уни қайтариб беришини талаб қиласа-ю, қайтаришни узрсиз кечиктирса ва оқибатда унга талафот етса, бунга зомин бўлади. Чунки, эгаси талаб қилганидан кейин ҳам ушлаб туриш билан ҳаром ишни қилган бўлади, валлоҳу аълам.